

李文襄公別錄

李文襄公別錄卷之

文告紀事

關防詐僞告示

示禁門兵需索

示禁汛防擾害

申嚴反坐禁止白呈

示禁兵棍搶奪

示禁渡夫勒詐

示禁餽遺

申嚴夜禁

示禁措勒領餉

示禁保歇積弊

示諭遵嚴保甲舉首奸宄

曉諭安民

曉諭立法辨認截髮良民

召募金華獵戶効用軍前告示

示禁兵廝沿江騷擾

示給船戶口糧

示禁悍兵旗廝騷擾

申嚴軍令條約

大兵經臨地方安民告示

飭行團練保甲告示

曉諭被脅良民

示禁阻撓投誠

示諭招撫脅從將士

大兵進剿散示歸誠

宣揚大義撫納歸誠告示

嚴禁妄殺搶擄告示

招撫溫處陷賊官兵歸正告示

示禁義烏投誠擾民

示禁駐防處郡弁兵下鄉騷擾

曉諭江常開三縣陷賊士民來歸

李文襄公別錄卷五

男 鍾麟編次

關防詐僞告示

康熙十二年十月

爲關防詐僞事照得本部院通籍以來一任司李再
擢巡鹽兢兢潔已奉公外見諒於輿評內無慚於衾
影今復蒙

簡畀總督全浙自念生平宦遊半在茲土山川屢識其面
大日久鑒此心矢慎矢勤益嚴益恭藉以下行所學上報
王知惟是浙省五方雜處奸宄叢生素所稔悉本部院籍
本山東青箱世授羣從子弟皆令閉戶讀書從不游

學經商擅離鄉邑况孤介性成交游絕少卽興利除
弊一一潛心諮訪並不寄耳目於人今蒞任方新誠
恐有等無藉棍徒不知利害或假認宗黨或冒認親
朋或謬指師友淵源或妄述譜牒世好勾引土棍廣
布聲援借徑居停潛通線索不惟詐騙小民寔至招
搖屬吏庸愚誤信其奸往往自投法網本部院冰霜
礪志鐵石爲心除一面親行訪拏仍檄各屬密緝外
合行曉諭爲此示仰所屬文武官吏軍民人等知悉
即便恪遵禁約設法密緝如有各項奸徒指稱何等
名色潛藏何方寓所勾連某處衙憲交接何官關說

何事曾否索物受賾有無被害証佐俱許一一訪確
立擒諸犯火速研審若果事屬有據卽按光棍定例
擬以重罪詳解前來以憑親究明白具

題正法倘地方官奉行不力失於覺察抑或通同容隱
不行捉獲申解一經本部院訪聞及被他人首告卽
將徇庇雙贖劣狀指名

題叅法在必行斷無寬假務各洗心滌慮痛革非爲若
待禍及身家則已噬臍無及莫謂本部院約法不早
也

示禁門兵需索

康熙十二年十月

爲嚴禁門兵需索以肅法紀以便商民事照得設立門兵原令稽察奸宄兼司啓閉豈容借端生事今聞守門兵丁不遵軍紀凡遇負販食物輒敢私抽狼藉無異搶奪其有攜帶包裹行人及婦女肩輿出入往往勒索銀錢故意攔阻至於迎婚出殯吉凶大故尤爲奇貨可居刁搆苛索無所不至爾等門兵皆從營伍輪值廩給則有月糧約束則有紀律豈宜乘機攫貨恣肆爲非合行嚴加禁戢爲此示仰守門官兵等知悉嗣後務須凜遵軍律凡遇往來士民商旅人等

或賈易大小貨物俱不得仍前抽取一切婚喪迎送
亦不得攔截吹求如敢故違一經本部院巡拏訊確
必加重處并許受害人等備將經過某門月日被搶
何物被詐何財明白開列徑赴本部院轅門據實鳴
告卽行按日查拏立加究治法在必行慎毋身試各
宜凜遵

示禁汛防擾害

康熙十二年十一月

爲嚴禁汛防弁兵擾害地方以肅軍紀事照得

朝廷設立官兵駐防該汛原爲禦盜安民並不許生端滋擾近訪台州寧海等處沿海地方向來奉遷居民近遵

新恩復業舊有田疇廬舍久成甌脫流離甫經安集拮据構葺備極艱難又因開墾積荒重息揭債雖胼胝是其職分而剗肉實可矜憐乃有巡防劣弁罔恤民艱恣行貪暴縱容悍卒勾結土棍凡遇油蔴穀麥茶豆柴炭魚鰕等物皆係民力所出藉爲生計者輒敢虛

稱官價公然攘其所有以致小民資身無策飲泣吞聲而地方無賴棍徒樂爲羽翼糾派月糧馬料炙詐酒食混麗差錢刻剝民脂分填婪壑甚至強買米穀更逼挑送或繳還官價仍索領狀又或擅放管債每月加二盤算準人妻子拆人骨肉刀捐故券冀畱葛藤又或霸種民田強砍民樹至藉口遊巡名色則佔民之居奪民之食種種惡狀擢髮難窮此離子遺日遭侵害本部院節制通省一夫不獲卽有負

簡昇隆恩今蒞任之初令行出示嚴禁除已往姑不究外自本部院申飭之後凡爾汎防弁兵等各宜洗心滌

慮恪遵紀律盡力防禦地方不許纖毫騷擾該道府
及該將領不時密訪倘有不遵仍前侵害居民者着
卽據實飛報或被害人赴本處告理卽與申詳以憑
本部院審確悉按軍法重處該將領一併

題叅究治爾等升髦成習祇緣向來雖曾飭禁未經盡
法懲創以致藐玩視爲具文今本部院執法如山斷
不妨貸各宜遵守慎勿嘗試

申嚴反坐禁止白呈

康熙十二年十一月

爲嚴別呈狀并申明反坐之法以杜陷害以安民生
事照得浙省連遭荒祲民不聊生本部院痾瘵在心
下車之初卽嚴禁官蠹弁兵不許生端擾害務使爾
民安分樂業庶幾快覩雍熙至於詞訟一節原爲申
理冤抑不意近來人情刁險輕聽訟師煽惑捏駕不
根欺誑官府動將白呈混瀆或一呈而言累千百或
一事而牽犯多人甚至案已生塵急同拯溺事如風
馬慘過剝膚非稱倚勢抄屠卽指統兵劫殺論相加
之暴則似人盡九頭計被詐之賊又若家藏金穴縱

橫筆底總是子虛問其肺肝只圖一准不思事既經
官豈逃法訊反坐之律何等森嚴而乃不自三思好
爭健訟小則拋荒生計大則貽禍身家苟是良民必
不出此爲此示諭閭閻軍民人等知悉嗣後各宜安
居守分不得聽信訟棍扛唆致干法紀果有重情奇
冤萬不容已必要一字不虛言言皆實照例於每月
初二日赴控亦止紳衿學校方許具呈一應民詞皆
用格眼狀式具告至於反坐之律原不止論全虛譬
如告人三命內二命情直自治二命以應抵之辟一
命若虛必加以一命反坐之條告賊百兩內九十兩

情真自治九十兩以應得之罪十兩情虛必加十兩
以反坐之法一權利害何苦爲之倘敢不遵狀式仍
違寫呈狀等字樣白呈混擾者除不准外定行嚴提
重處決不姑貸

示禁兵棍搶奪

康熙十二年十一月

爲禁戢兵棍曠野搶奪以安商民事照得西興關口錢江西岸乃商民賈販往來絡繹孔道其間牧馬營廝弄於沙灘曠野窺有孤客遠商負販貨物攜挈行囊艷目欺心往往結黨成羣中途邀截或搜奪行李或搶剝衣帽譁然四散既無地方救應復鮮官兵追擒遂使孤立無援鳴冤莫助杭紹通衢大道商民裹足難行殊非法紀除經差官巡拏外合行示禁爲此示仰商民人等知悉嗣後往來錢塘江岸西興渡口倘遇有不法兵廝及地方奸棍恃強搶奪貨物行李

衣帽者卽時喊鳴該地方巡邏官兵協力追擒連人
賊解赴本部院軍前以憑會審重究倘巡邏官兵坐
視不救聽其搶奪遁逸者許受害商民記明時日經
過何處失何物件曾否喊鳴防守官兵因何不救據
實赴轅門呈稟立行查出以扶同容隱一體治罪決
不輕貸

示禁渡夫勒詐

康熙十二年十二月

爲嚴禁渡夫勒詐以甦商民積困事照得錢江渡口
原係杭紹往來通津其間客商絡繹常恐洪濤巨浪
一時覆溺堪虞向因渡夫乘機勒詐立有碑禁不許
多載人貨橫索銀錢特建靖浪亭房以便行人休息
凡遇風波偶作鳴鐘止渡不許舟人嗜利冒險誠屬
便民利濟至計茲值歲暮一應手藝窮民賈易商賈
以及訓館書生終歲勤勞異鄉自然各思歸里度此
新年近聞渡夫仍蹈故轍任意勒詐每每將船拋泊
江心遇有行人肩挑背負而來一夫攘奪行李一夫

拉扯行人遂使人貨兩離伴侶疎失形同邀截及孤
客登舟名爲載頭延捱招攬挨擠滿船猶不輕易開
行常至潮頭驟到激浪排空危險異常悍然不顧毒
遇霜雪之朝風雨之夕行人忍飢受凍慘不可言幸
而將近江岸復停楫中流迫索重資校諸尋常不至
數倍不止更窺隻身行囊沙灘遼闊四顧無人之時
稍畱不還種種肆害殊爲可恨除見在責令巡察官
兵查拏解究外合行出示嚴禁爲此示仰該地方民
人及過往客商人等知悉嗣後如有渡口舟人不遵
碑禁仍前攘奪行李多載人貨延捱不開半江勒捐

銀錢等弊俱許被害於登岸時喊鳴該地方卽行捉
拏其巡察官兵協力追擒押解本部院轅門以憑重
責枷示如該地方徇縱及巡察官兵賄脫訪出一體
嚴拏重究不貸

示禁餽送

康熙十二年十二月

爲嚴禁餽遺事照得各官俸薪僅備養廉原無餘貲可供餽送况屢奉嚴

旨禁革煌煌

功令咸當凜遵爲此示仰閩屬文武官員人等知悉以後凡叅謁本部院及投遞公文一槩不許攜帶稟揭餽獻禮物如有故違定行指名

題叅其司道將領府廳等官務各洗心滌慮共礪廉隅庶幾改絃易轍政治一新倘或因循陋習貨賄公行一經采訪直確無論與受悉以白簡從事慎之

申嚴夜禁

康熙十三年正月

爲嚴禁夜行以靖地方事照得省會重地人民稠雜其中保無奸宄叵測正宜申嚴夜禁以防不虞乃邇來各處雖設有柵欄每每夜靜更深仍有行人張燈挈伴冒勢橫行守柵兵民稍加盤詰非指稱督撫司道之衙役卽倚藉旗營豪勢以凌人究竟眞僞不分奸良莫辨雖有燈籠實難憑信若不嚴禁何以綏寧地方合行出示嚴禁爲此示仰督屬官吏兵民人等知悉嗣後定更砲響之後守柵人役謹守局鑰一槩不許人行倘有指稱衙門人役緊急公幹必驗印信

牌票實據方許放行不得徒信燈籠致滋奸混如有
民間急病延醫生產接穩二項必確詢住址何處今
果何往攜帶印信一家牌驗實放行歸途仍依此徑
庶便稽查記認其餘不拘何項人員不許擅行干禁
倘有勢豪橫行闖越及孤身隻影行蹤詭祕言語支
離者守柵人役卽協同保甲鄰佑鎖拏天明押赴地
方官審明轉解本部院軍前重處不得徇情賄縱察
出一併嚴提重究法在必行決不輕貸

示禁捐勒領餉

康熙十三年二月

爲嚴禁領餉捐勒遲延以重兵食事照得官兵荷戈戍守全資糧餉領餉各官遠者千里近者亦數百里跋涉赴省自應遵照掛發號領隨到隨卽兌給早得領運回營分散俾邊海窮弁無守候之苦而嚴疆汛守實藉操防今旣見領餉官弁經月坐省守候尚未給發軍卒嗷嗷仰望而營弁各有分防險隘久離汛守淡屬未便揆此濡滯情由皆緣胥役作奸希圖扣剋需索使費打點不到捐勒遲延又或日常借端謀幹虛報冒銷皆望領餉之時取償是以一經放餉通

同扣除在領餉之官守法者又因缺額耽憂訛法者
正好乘機侵蝕及其領運到營止於十存八九種種
弊竇殊干法紀合行示禁爲此示仰各營領餉弁兵
知悉當此春汛屆嚴各以汛守爲重赴省闕領餉銀
制錢隨到隨給星飛領運回營務須查驗原鞘原封
交割營將明白倘有奸胥於搭放餉銀制錢之時借
端勒掇扣剋短少遲延時日者許據實指名赴本部
院轅門呈告以憑嚴拏審究問擬追贓該弁亦不得
畱戀耽延中途侵蝕察出立行軍法重處決不輕貸
各宜凜遵

示禁保歇

康熙十三年三月

爲嚴禁保歇永除積弊以甦民困事照得浙省賦役殷繁民力凋敝兼徃歲洊罹災荒屢蒙

皇恩蠲賑僅保生全未臻康樂本部院下車以來念爾小民疾苦痛切身受興利必期永行除弊必期盡絕訪聞各屬向有保歇一項最爲民害分定都畝傳買頂首積蠹相承竟同世業民間事涉公庭不論錢糧詞訟認定居停奉爲著蔡當其周旋應付宛若親朋實則播弄風波情同鬼蜮每年飯米節規如取租稅不時需索雜費若抽繭絲百計侵漁一手握定糧里認

充役務交納條銀輸解本色無不任其包攬種種折耗花銷輒曰衙門常例一遇比卯遲到完額又紬卽便扇動經承唆使差役出籤出票索詐分肥或將正額銀米吞侵入腹隱避無蹤追呼敲扑仍歸本人只得剜肉醫瘡重賠重納至於雀角小訟從中鼓浪生風愚民不諳官司倩伊打點某承行應早囑託某公差應許厚酬危言聳動某鄉紳可以依靠某遊客可以央求巧語鋪排無一事不聽其指揮無一處不供其谿壑凡攢眉蹙額之經營皆吸髓吮膏之伎倆此輩惡端昭著人豈無知其如衙門情熟狐鼠成羣串

結一團呼吸相應線索在手因而甘受其把持機弄
四張不得不由其籠絡量其人之愚黠隨機打合不
饜不休計其家之豐嗇徹底誅求不盡不止嗟此小
民正供有限膏血半竭於催提成獄何時資產已空
於候讞總因衙役勢如狼虎而保歇爲衙役之鬼俵
土棍毒如蜂螫而保歇爲土棍之羽翼遂使良民汗
血微資但供魚肉興言及此髮指心傷雖從前屢經
禁革而盤踞已深窟穴甚固暫時潛跡旋復現形若
不嚴加翦除何以永息民害除密行訪拏外合示嚴
禁爲此示仰合屬官吏糧里人等知悉自示之後一

應保戶歇家盡行革除不許指畱把持復萌舊習如有前項奸棍仍買保歇頂首或改立名色包侵錢糧起滅詞訟一切招搖騙詐科派婪索者許地方里鄰並受害之人從實舉首有司官不時查訪立拏究解以憑按法嚴刑翦此蠹賊倘地方里鄰容隱不舉一并治罪有司奉行不力仍縱此輩害民本部院親訪得實定行叅處法在必行斷無寬貸

示諭遵嚴保甲舉首奸宄

康熙十三年三月

爲曉諭事照得浙屬地方往時屢遭兵燹邇年幸得
寧息

朝廷德澤覃敷寬省徭役軫恤民瘼惟恐一夫失所再逢
災祲上廛

宸衷破格蠲賑欽頒

上諭十六條欲使爾民漸摩教化永享太平本部院仰體
九重清問之心策勵大小文武各官共矢廉隅力圖休養
爾民各有身家遭逢

盛世豈可不知自愛近者滇黔反叛大兵進剿計吳逆釜

底遊魂不日殲滅浙省相去數千里環浙遠近如江
南江西等處皆添設重兵控扼險要重重守禦此地
風馬不及烽燧無驚凡爾小民正當各安耕鑿無奈
風俗刁頑訛言易起遂有亡命奸徒希圖嘯聚佈散
偽劄謀劫市鎮如東陽縣拏獲周叔韜單干等蕭山
縣拏獲嚴九如李啓元等諸暨縣拏獲李茂朱應顯
等亂形甫萌旋經發覺無不立時就縛誰能漏網本
部院嚴飭郡縣營汛凡山陬水澨處處隄防時時巡
察倘有奸宄效尤真是自投陷穽在首惡同夥孽由
己作正法奚辭可憐父母兄弟妻子原不知情一朝

事發禍及全門以及愚民不諳法度或因循不首或
傳送居停凡有干連並罹重典且有跡涉疑似共填
牢獄迨至審明省釋業已皮骨僅存亦有正犯脫逃
責比親鄰牽涉經年廢時失業以彼奸徒貽殃骨肉
流毒地方如此凡我良民亟當同心協力各相稽察
勿將保甲視爲虛文果能實意奉行奸宄自難容跡
如有親族鄰里在外爲非一有見聞立時舉首到官
除此敗類保全衆家身命不致玉石同焚今東陽縣
出首之人本部院現加獎賞以後如有首報或擒解
者自必一體犒給凡彼奸徒須知地方守法者多黨

惡者少耳目難遮發覺最易與其盡命刀頭死爲叛
鬼何不迅息狂謀自求活路倘或怙惡不悛陰相勾
結譬如禽獸不可化誨天網恢張盡殺無赦念頭一
錯噬臍莫及本部院念通省老幼男女皆我赤子不
惜諄切告誡冀令家喻戶曉爲此示仰合屬軍民人
等知悉嗣後城市鄉村各要遵守保甲加意盤查凡
游手游食素行不端交結匪類出入無常以及來歷
不明形蹤詭祕者務須密速稽察倘有勾黨聚謀散
徇倡亂直情立刻報官拏解本家親族出首者依律
免罪斷不株連卽奸徒夥黨有能悔悟投首並從寬

貸如能擒獲夥犯解官與平人一體給賞但有知情
容隱藏匿者事發之日並置大法爾民須將本部院
示內情節仔細思量互相警戒各安本業共保身家
咸宜凜遵毋貽後悔

曉諭安民

康熙十三年四月

爲曉諭安民事照得閩逆倡亂浙省壤地相接先經調發滿漢官兵固守各路關隘交界既有備內地自是晏然見今續調各營官兵相繼進發又有江南江西滿漢官兵分頭策應彼一隅負固蕩平有期茲聞省城百姓紛紛驚動皆由誤聽訛言致有淆惑不知通省兵馬星羅棋置處處隄防何等鞏固本部院暨

撫院
提督

隨方佈置自能保衛爾民其調集各路官兵雖不時經過並皆申明約束無敢騷擾今當孟夏蠶農

正亟爾民一年生計全在此時豈可自棄安居廢荒
本業至於游手奸徒捏造無根之言意欲使人倉皇
走避以圖乘機搶劫爾等聽信正是中彼奸謀亟當
曉諭爲此示仰省城內外居民人等知悉邊界悉已
堵防內地安如磐石爾民務宜安堵如常專心生理
不必驚疑遷避有誤農蠶時務仍須遵行保甲互相
稽察使奸宄無所潛蹤則地方自然寧謐矣各宜猛
省毋負本部院一片誠心特示

曉諭立法辨認截髮良民

康熙十三年四月

爲曉諭事照得閩逆倡亂浙境相聯恐有奸宄潛蹤
自應稽查盤詰賊中俱係割辮則凡短髮平梢之人
跡涉可疑連日守門兵丁拏獲頗衆及至審勘截髮
緣由或起爭鬪或因疾病訊其居址藝業皆有實據
親族鄰佑各具保結並從寬釋但軍務戒嚴譏察不
容稍縱本部院惟恐愚民未能通曉致干縲繫合行
立法辨認爲此示仰浙省官吏軍民人等知悉見在
如有短髮之人除真正來歷不明身藏劄票煽惑人
心及歷審作奸有據者立即正法外其餘平民果係

居址有憑保甲有據者許協同鄰佑卽赴該管縣官處據實呈報截髮緣由時日該縣官卽與按日記檔仍給印照爲憑設遇滿漢官兵盤詰卽可驗明釋放卽使拏獲到官若有縣冊可查亦准鄰佑保釋庶愚民不致罹法奸宄易於稽查當此民心驚恐之時倘有縣胥里甲乘機借端勒賄者或經告發或經本部院訪聞並卽嚴拏處死決不姑貸

召募金華獵戶効用軍前告示

康熙十三年四月

爲召募事照得婺屬東義等處民風驍勁俗尚慷慨
夙稱材武之鄉山中多有獵戶慣用鳥鎗並皆技藝
精嫻膽力勇敢當今邊疆有事正爾等奮身之時本
部院親在戎行恭行

天討幕府之下師旅如雲而收羅壯士多多益善爾等射
獵爲生何如建功立業如願効用軍前者應募到日
各給安家銀兩別成隊伍以作親兵支領糧餉其中
有謀勇出衆者卽劄委職官爲之統率有功之日分
別

題敘獎賞本部院昔年司理茲郡開誠布公爾士民相信有素本部院如父兄之視子弟爾等必如手足之衛頭目惟恐轉行有司或致查攝滋擾特委本地賢幹招集起送合行出示召募爲此示仰金華府屬士民人等知悉凡有技勇素優願來應募者但赴吳生員處報名驗明堪用卽查籍貫住址取具地鄰保結起送軍前本部院驗試收標各給安家銀十兩隨軍征進另給糧餉仍擇其材技有餘衆所信服者授以職官剗付統領約束一俟建立功績卽當特疏

題敘臨陣之日計功行賞斷不後時爾等務須奮發忠

義問命爭趨其士類中有奇材異能超出等倫者如
能聞風樂赴定當別加優禮各宜悉遵

示禁兵廝沿江騷擾

康熙十三年四月

爲嚴禁兵廝沿江騷擾事照得設兵本以衛民當此
軍興孔亟一應夫船芻粟無事不煩民力本部院蒿
目焦思痼瘼切體豈容悍卒奸廝乘機騷擾今聞江
干一帶多有借名搜檢掠奪貲財致使商旅小民含
冤抱怨舉足驚疑殊可痛恨除見在差員巡緝外合
行出示嚴禁爲此示仰軍民人等知悉自示之後倘
有旗營兵廝敢犯紀律或地方無藉假冒爲奸仍復
借名搜檢搶奪銀錢行李者巡視人員立行鎖解轅
門治以軍法仍許地方人等協力擒拏毋得瞻畏

示給船戶口糧

康熙十三年四月

爲酌給船戶口糧以軫困苦事照得大兵進剿指日
絡繹前來勢需船隻供應惟恐臨期難以猝辦不得
不先行齊集念爾小民載渡資生一家口食皆藉於
此今守候江干廢失恆業父母妻子舉室啼號風雨
飢寒一身受忍本部院軍務倥傯之際毒一念及不
勝惻然惟是封疆重事萬非得已

朝廷軫恤民艱凡大兵進發輒奉

恩旨毋致苦累百姓今爾等船戶若照例俟官兵到口支
給口糧目前伺候需時何堪枵腹已行布政司驛傳

道酌議先給本部院斷不以日後開銷之難而忍視
爾等困苦莫訴也合行曉諭爲此示仰船戶人等知
悉務各安心守候勿得驚疑俟本部院按船給散口
糧以資日食如有蠹役奸埠扣剋等弊許爾等赴轅
控稟卽行拏究事完之日另當給賞并免差徭以昭
優恤咸宜遵曉

示禁悍兵旗廝騷擾

康熙十三年五月

爲嚴戢悍兵恣擾以安地方事照得鄉居小民耕耘爲業田地魚蕩花息皆屬血汗脂膏賴以完糧餬口近聞樵採營廝不遵禁約百十成羣往來如織豆麥菜種強割無遺蔭木桑麻砍伐殆盡攜竿提網羣取塘魚入戶穿籬分攘絲繭甚至器皿雞犬葦茨柴薪一攫蕩然分馱滿載明欺鄉民稀少不敢抵當畧一阻拒卽遭攢毆更加沿途分伏阻掠行人衣帽銀錢恃強搶剝民不安生錢糧何出營廝旣開奪取之端卽有無藉之徒乘機假冒真僞莫辨爲害地方大千

法紀合行嚴禁爲此示仰該地方里甲居民人等知悉嗣後倘仍有悍兵旗廝不遵法紀擾害居民強割菜麥攘竊魚絲并搶奪衣帽行李等項者爾地方里甲卽協力會同批稟地方官查明申解以憑會同將軍立按軍法重處決不姑恕各宜凜遵

申嚴軍令條約

康熙十三年五月

爲申嚴軍令事照得本部院同

平南將軍統領大兵已到衢屬地方見在調發進剿討亂安民紀律森嚴務使秋毫無犯業經再三申飭誠恐不法兵丁猶敢違令騷擾特爲條列禁約敢有違犯定以軍法從事各宜凜遵毋忽

一各官兵駐劄及中火處所俱在空閒地面不許一人一騎擅入民房居住及拆毀民間一椽一木
一各官兵俱自帶行糧自爲炊煮不許擅借民間器皿物件及拉百姓炊煮食物

一各官兵盔甲器械俱各自行隨帶不許捉拏百姓
搬駝

一各官兵馬匹自有應支豆草喂養不許擅動民間
一草一粟并踐踏田間禾苗

一各官兵在各城門處所止司防守稽察不許借端
生事民間婦女任其進出不許藉名搜檢恐嚇攔
阻其搬運家伙物件不許指留索詐

一各官兵遇行路鄉民聽其往來不許搶奪衣包搜
取財物

一遠鄉百姓被賊割辦者勢由迫脅原係良民如有

里甲可查地方公保俱卽赴地方官呈明存案照舊安居樂業不許官兵捉拏及借名嚇詐

一各官兵需用食物俱照時價用紋銀公平買辦不許恃強短少

一民間牧放牛羊及雞豚狗彘之類不許攘取宰殺以上各條滿漢綠旗官兵務須一體遵守見在差官巡視敢有故違卽行綁拏立即會同

平南將軍嚴究重治倘有擅離營伍姦淫婦女擄掠財物情重罪大者立行斬首該管將領一併叅拏決不姑貸須至示者

大兵經臨地方安民告示

康熙十三年五月

爲曉諭安民事照得逆賊聚衆侵犯所過鄉村肆行
淫掠雞犬不留嗟我良民妻孥不保衣食無資猶復
迫脅搜求責供酒米割去辮髮驅逼同行欲使官兵
到日玉石難分狡謀流毒我民如在湯火今本部院
同

平南將軍統領大兵已到見在分途進剿其鄉城百
姓漸次歸來亟宜撫綏俾各得所官兵經過駐劄地
方紀律素嚴竝無侵擾本部院又經三令五申敢有
違犯立正軍法凡我民人早宜安集合行曉諭爲此

示仰軍民人等知悉除約束兵丁另行逐款開列出
示嚴禁外見今鄉城百姓已歸故居者悉宜安心無
恐其有先經逃避者作速相率歸來耕種貿易往來
出入俱各照常倘有不法兵丁絲毫侵擾許徑赴本
部院暨

平南將軍喊稟或控地方官申詳立行嚴拏究治其
遠鄉居民被賊割斷者勢由驅脅原非從叛但能仍
守本業桀不溪求大兵所至全爲安民爾民毋得懷
疑顧望四散奔逃致遭賊手受其荼毒各宜遵悉

飭行團練保甲告示

康熙三十三年六月

爲飭行團練保甲各衛身家以別良善以安地方事
照得閩逆稱兵犯順今各路官兵俱已齊集同時進
剿指日蕩平惟是浙閩江西連界地方不逞奸徒乘
機嘯聚屯踞鄉村民居卽爲賊窟雖有良善自拔無
由或有無知誤被恐嚇中懷觀望大兵到日玉石難
分殊堪憫惻本部院念地方人民皆我赤子爲爾等
早計安全惟有本鄉自相團練人人協力處處警防
無事則照舊耕農有事則奮勇殺賊庶逆寇不致蹂
躪官兵有所辨別誠保衛身家至計合行出示曉諭

爲此示仰金衢嚴溫處屬人民知悉一應近賊地方
鄉鎮村落凡有德望里黨推重者卽就本地聯絡居
民團結守禦逐戶相保其外來奸細潛行煽誘或本
處狂徒陰謀通賊立刻擒拏解官請賞倘土寇突犯
或偵探情形一面堵截一面飛報官兵立時進剿今
所在俱有重兵屯守斷不使爾勢孤無援但有用命
擒殺賊衆者本部院卽時賞賚其倡率義士分別功
次定行

題敘不惟身家保全抑且功名有路各宜思忖遵卽舉
行

曉諭被脅良民

康熙十三年六月

爲大兵指日進剿開誠曉諭以安良善以醒愚頑事
照得逆藩倡亂閩省人民受其荼毒如蹈湯火時刻
永望

天兵今浙省師旅雲屯刻期進剿凡我百姓順逆禍福之
機豈待智者而後決乃有亡命奸徒乘機嘯聚勾合
賊衆突犯城邑流劫鄉村遂有被其迫脅割辭者爾
民原無拒賊之力豈有從賊之心至於大兵到日若
以無從分別一槩翦除殊堪矜憫本部院暨

平南將軍恭承

天語討亂安民同惡必誅脅從罔治其本由驅逼並非附從者務在保全或一時被誘旋復悔悟者亦從寬宥惟有怙終不悛必殺無赦合行出示曉諭爲此示仰將吏兵民人等知悉凡曾被賊侵犯地方或有收受僞劄或有投入賊隊或爲窺探聲息或爲齎送資糧是皆孽由已作無可哀矜如有守分良民身在故土被賊割辦勢非得已許同地方保甲赴官呈明立案照舊安心生理卽有陷在賊中乘間脫歸仍務本業並無別情亦許里甲公保槩不深求爾民務宜自顧身家早自別白毋致玉石難分誤罹鋒鏑地方有司

速盡招徠安集之職征勦將士共體

朝廷愛民之心各宜遵悉毋忽

示禁阻撓投誠

康熙十三年九月

爲曉諭事照得閩逆侵犯近地無知愚民結黨嘯聚乘機竊發今大兵雲集見在勦除蒙

皇上天恩浩蕩矜憫無知准予投誠本部院仰體

德意不忍卽加兵威是以開誠招撫查杜承順等未經歸誠之先爾士民固有被其害者今旣真心向化率衆來歸

朝廷恩信昭如日月業已嘉與維新概不追求旣往乃爾民未忘怨恨阻截道路不但欲報前仇惟慮或貽後患第杜承順前除前過復爲良民招撫奉有明文非

爾民所宜攔阻見在軍前聽候安插亦不必過慮將
來合行曉諭爲此示仰該地方士民人等知悉凡係
投誠人等如經革心歸命准從就撫者以前過犯悉
從寬宥爾百姓毋得阻撓生事亦毋庸慮患驚疑其
有各處山賊頑梗不服仍然橫恣者爾百姓照前聯
絡守禦以保地方本部院或勦或撫自有鑒裁無非
爲爾等早計安全各宜遵悉

示諭招撫脅從將士

康熙十三年十二月

爲招撫事照得耿逆背

恩負

國造亂殃民罪盈惡極罄竹難書以彼喪心樂禍自取
滅亡凡在將吏兵民本非同黨何意一朝僨謬相率
波靡或亦瞻顧室家情非得已今

奉命大將軍康親王統步騎十萬已集浙省指日南征
平寇大將軍安親王

揚威大將軍簡親王各統雄師十萬從江南江西絡繹
繼進耿逆狼狽一隅安能再延喙息獨念附從稱兵

者皆受

朝廷高爵厚祿上可反旌回指建立功名次則歸命投誠
保全富貴何以棲焚游沸糜爛爲期自非至愚豈無
先覺我

皇上如天之仁含宏覆育欽頒

上諭開以自新具有良心能無感動凡爾脅從將士如能
真誠效順卽宜早決良圖或獻關納款或率衆來歸
本部院自當立爲奏

聞悉照原領僞銜授以實職其有功績尤著者特請加
恩超擢至於兵民人等誤被驅迫若能幡然歸正兵卽食

餉民卽歸農原屬

國家版籍不忍槩行翦除是用開誠曉諭

上諭一道咸使聞知爾等亟前叛亂汗名復作

天朝臣子存亡禍福在此一時各當猛省毋貽後悔

大兵進勦檄示歸誠

康熙三十三年十二月

爲大兵刻期進勦檄示歸誠事照得自逆藩造亂以來糾連土寇蹂躪內地荼毒鄉村以致桑農廢時工商失業甚則妻孥不保廬舍無存生民之禍亦已慘矣豈意不逞之徒走死如驚互相招誘寢以蔓延水火在身而不知陷穽交前而不悟所受者片楮偽劄有何榮名所掠者幾領敝衣有何厚利乃爾蜂屯蟻聚螳臂猖狂官兵一臨立膏斧鑕計數月以來衢嚴金紹台等處大小數十戰斬獲之多或至盈萬少亦不下百千閩來之賊安得如許大都驅爾烏合以備

前禽爾輩所圖幾何以此糜爛身家泥沙性命至於
朝投賊營暮櫻鋒刃懸頭竿首暴骨荒原誠自取之
夫何足惜但揆之順逆之理罪在當誅而本諸惻隱
之心愚爲堪憫在

朝廷興師致討本爲定亂安民是以屢換

綸音宏開

天網而本部院再三曉諭宣布

皇仁正以導其迷途開之生路何乃予誨諄諄而聽者藐
藐夫

朝廷多方以全爾之生而爾輩自甘投死至逆賊百計以

驅爾於死而爾輩不早求生譬之雀處危枝魚游釜底當此大兵雲集號令風行凡爾亡命溪山豈復苟延旦夕所幸者本部院始終矜全之誼所恃者

朝廷浩蕩之恩不及此時洗心歸順更待何時爲此示仰從賊民人知悉凡係脅從之輩相率來歸固猶赤子卽或倡亂諸渠一朝悔悟亦是良民總之向化投誠槩與撫綏安插願歸農者照舊服田願爲兵者登名入伍進不以鋒鏑爲憂退不有飢寒之患其曾受僞劄齎劄來投及乘機立功率兵歸正錄用之外尚當從優

題敘本部院欽承

上諭信義昭明早決良圖毋貽後悔

宣揚大義撫納歸誠告示

康熙十三年十二月

爲

天討方彰

皇仁覃布宣揚大義撫納歸誠事照得耿逆背

恩倡亂鼓煽狂圖閩嶠一隅咸被汙染

朝廷仁聖軫念將吏兵民皆由迫脅雖懷忠義莫能自明

特渙

綸音布昭大信

天恩浩蕩罔不聞知念各大小將領昔拜命於

天朝非受恩於私室倉卒附從諒非本心柰何淪陷迷途

久無覺悟古來稱兵犯順誰克保全惟有智者見機
毒能轉禍爲福近日荊州

郡王大將軍岳州

貝勒大將軍已定湖南又四川

貝勒大將軍恢復全省各路進兵滇黔逆賊逃竄無路
可見

天兵所至立見蕩平今浙江

奉命大將軍和碩康親王江西

平寇大將軍和碩安親王江南

揚威大將軍和碩簡親王各統雄師十萬進閩征討三

面夾攻逆渠授首已在旦夕卽如溝溪之捷聊遣偏
師斬馘盈萬又如金華積道山徐尚朝全營覆沒失
其僞救單騎而逃鑒此前車敗亡一轍旣已勢窮力
屈便當悔禍革心至於兵丁百姓止因顧戀家室被
逼強從尤非得已今枵腹單衣奔命風霜之下潛行
野掠輒已執縛而來數里連營不過片時可掃若不
投戈返正徒然殞命溝渠茲蒙

大將軍和碩康親王仰體

朝廷德意不忍遽極兵威特赦累囚開恩招撫合行給示
曉諭爲此示仰從賊將吏兵民人等知悉速宜淡思

禍福早定良圖如能真心向化率衆來歸本部院卽
行

奏請自當照銜錄用其有擒斬逆首獻納城池者自必
榮膺顯爵以示酬功兵卽收入行伍民卽仍歸版籍
撫綏安插務俾得所倘有怙終不悛甘心從逆大兵
至日掃蕩無遺後悔何及咸宜知悉

嚴禁妄殺搶擄告示

康熙十四年二月

爲宣布

恩綸戢兵撫民事照得溫處地方自被賊寇蹂躪民間室廬焚燬田畝荒蕪資蓄無存妻孥失散顛連困苦誠可哀惻今大兵所至賊寇奔逃凡此被難百姓皆從殺掠之餘僅存孑遺已無生計亟宜拊循軫恤俾得安保室家漸復故業

朝廷恢復疆土所重在於人民一應婦女孩童悉係版籍戶口若使有土無人豈是安民靖亂案奉

欽差侍衛到浙宣傳

上諭滿漢官兵在各地地方務須恪守紀律秋毫無犯如有
騷擾情由督撫卽行題叅若徇庇不卽題叅將督撫一
并議處欽此又准

部文陷賊地方百姓原皆

朝廷赤子一時被脅割去辮髮今勤勞師旅征勦賊寇特
以爲民凡大兵所到之處如有割辮之人持械拒敵
及竊踞城池山寨不卽來降者仍行誅戮其餘割辮
之人槩予寬免不得妄行誅戮多方安輯以副

皇上好生之至意至果正賊寇未必攜帶妻子而行營中
所有大率非係擄掠民人子女卽係爲彼脅從嗣後

如殺賊之餘賊寇所擄難民子女許令民間認領不得一槩搶擄以昭

皇上愛養元元之意等因奉

旨通行在案煌煌

恩旨誰敢不遵惟恐溫處地方百姓淪陷日久未悉周知愚民或懷疑畏驚竄潛藏致有官兵借名搜剿乘機搶擄合行頒示曉諭爲此示仰官吏兵民人等知悉凡出征將士務須仰體

皇仁恪遵紀律除賊寇剗營拒敵用兵剿殺其餘鄉村潛避民人不得妄行殺戮搶擄各地方隨軍官員所至

宣布

德音撫綏黎庶凡已經安輯處所卽知會領兵將弁毋得縱兵騷擾百姓人等及早復歸故里料理春耕如聞大兵到日立即相率來迎以分涇渭如有賊寇經過屯劄務須飛報官兵追勦毋或觀望遲延致令官兵借端殺擄無從分辨如已經來歸安輯地方敢有不法官兵故違

恩旨或殺戮平民或擄掠子女或搶奪牛畜或搜劫貲財有一於此不論滿漢綠旗本部院自當遵

旨題叅斷無瞻顧各宜遵悉

招撫溫處陷賊官兵歸正告示

康熙十四
年二月

爲宣諭

皇恩招撫歸正事照得逆賊倡亂以來

朝廷遣發大兵四路追剿荷蒙

天恩浩蕩罪歸元惡矜憫脅從本部院又經特奉

上諭如耿精忠怙逆不悛或伊下官兵心存忠貞殺耿精

忠來投或率衆來投俱着從優議敘加恩卽隻身來投

亦着收畱恩養欽此欽遵在案凡溫處地方各標營將

領兵丁平日受爵祿之榮叨奉養之惠一當封疆有

事爲官者有功卽不時超擢爲兵者出征卽加給行

耀

朝廷之恩厚矣本部院推誠撫士甘苦必知自軍興伊始
預給資糧破格賞賚正期爾等勉圖報効其立功名
豈意一旦變生相隨淪陷勢由驅脅諒非本心卽如
瑞安官兵固守全城方當論功敘擢亦復不保厥終
泯棄前勳殊爲可惜且爾等多有父母妻子俱在本
處遠望哀號惟恐株連幸沐

洪恩槩從寬宥間有一二逃回竝已照舊收伍投誠頭目
咸已給劄授官爾等豈不聞知何乃枵腹單衣甘爲
逆賊先驅自揆鋒刃雖在至思未有不思改計者矣

今大兵前進正爾等重見天日之時速宜乘機反正
保命全家兼可因會圖功策名受賞禍福之機決在
俄頃合行出示曉諭爲此示仰溫處原舊各官兵知
悉務須欽遵

上諭事理漸雪前非勉圖後效或獻城納款或臨陣歸降
或率衆迎師或約期內應如能擒渠獲醜更是奇功
使開道拔身亦明素志並當遵

旨奏聞優加敘錄倘或執迷不悟敢逆顏行
天戈所臨盡行剿滅毋失良圖自貽後悔

示禁義烏投誠擾民

康熙十四
年三月

爲嚴禁投誠擾民以肅法紀事照得各屬投誠人衆
既已悔悟前非革心歸命幸蒙

皇恩浩蕩嘉予維新自當安分守法復爲良民乃其中尚
有頑獷成習復倚投誠名色擾害地方在市鎮則交
易逞強往鄉隅則邀奪肆詐陸路則拘執人夫水路
則強拉船隻至於指稱賊械扳富扳仇借端索詐不
厭不止種種不法殊堪痛恨爾等旣沐再生之恩豈
復貽自作之孽合行飭禁爲此示仰義烏縣投誠官
兵人等知悉務須恪遵法紀遷善自新充伍者各圖

報効立功歸農者並宜安分守業倘有怙非逞勢僭
端擾民如前所指諸弊者許該縣不時查明申報本
部院定行提究重處

因法具在各宜凜遵

示禁駐防處郡弁兵下鄉騷擾

康熙十四年三月

爲嚴禁兵丁下鄉騷擾以安地方事照得處郡新經恢復餘氛未靖駐防官兵戰守方亟非奉令搜勦原不許擅離營汛若各處鄉村小民驚魂未定正在招徠安集乃訪聞旗營兵廝結隊成羣肆行村落攘奪雞豚剽掠財物致使湯火殘黎望風逃竄有地無民軍需安出似此違禁騷擾大干法紀除現在差員察拏外合行嚴禁爲此示仰滿漢綠旗官兵人等知悉務須恪遵紀律防守地方不許擅離營伍私自下鄉卽偵探軍情擺撥傳報營官必選謹慎兵目前往仍

嚴加約束不時訪查如有兵廝不遵禁約私往鄉村
驚嚇愚民乘機搶擄致使招集遺黎驚惶逃竄者該
管將弁立時查拏軍法懲處如有徇縱經本部院訪
聞得實滿漢官兵卽啟報

親王嚴究綠旗將領定以束兵不嚴叅處凜遵毋忽

曉諭江常開三縣陷賊士民來歸

康熙十四年閏五月

爲屬邑陷賊已久難民罹害堪矜亟速反正來歸以全生命事照得衢屬常江開三縣自耿逆變叛以來荼毒最慘其間富而有力者早已攜挈家口奔避遠方現在存留者非至貧極苦之小民卽老弱孤寡不能自拔之羸獨也及寇逆忽至米糧被其搶劫衣服被其搜剝田土被其蹂躪房屋被其焚燬牲畜雞犬被其烹食家資什物被其掃蕩甚至婦女被其淫汙老幼被其殺戮或有衣不蔽體藉木葉以遮形食不充腸掘草根以延命逃竄於溪山窮谷寧依豺虎爲

鄰流離於絕壑幽巖尚慮刀兵尋及地方既陷則割
辨長髮固出於無可柰何盜賊成羣卽強捉投充亦
詘於勢不得已一入巢穴便作羈囚衝鋒逐隊驅死
地以何辭溪塹重圍求生機而無路本部院念爾三
縣人民日在水火惻隱心傷茲者恭奉

天計分兵進剿原爲弔民伐罪拯救生靈況今賊勢日窮
盜糧已盡逃亡相繼瘟疫流行此誠天地不容人神
胥憤敗亡撲滅尅日可期况我兵進取溫州者已將
石帆諸賊剿殺殆盡克復宣平松陽將入逆境江西
和碩

安親王已破建昌進攻邵武南贛東粵分道竝進耿逆以方隅之地兵力糧餉能有幾何豈能當

王師之合勦誠所謂釜底游魂亡不旋踵不待智者而後知也爾等不乘此時及早歸正更待何時旣受逆賊慘害又將性命相殉溪爲可憫合亟曉諭爲此示仰陷賊地方士民人等知悉爾等陷賊經年流離艱苦本部院俱已稔知今得畱一綫殘喘猛省回頭復爲良民依然是

朝廷赤子念其爲賊迫脅已往之罪槩行寬宥有能卽時自拔挈帶家口來歸者當卽特疏

題請授以不次之賞其有曾受戮劓僞官率衆來投者
官則照舊擢用兵則入伍歸農聽其自便併有卽時
解散爲民大兵一至相率迎降者一槩免死俱不追
究本部院開誠布信斷不爽言若曉示之後仍復執
迷甘心與賊同盡自作之孽誠不可活指日大兵進
勦玉石難分身受誅戮妻孥俘沒悔當何及本部院
不靳諄諄告誡者深念爾民陷於湯火不啻拯溺救
焚開以生全之路人非木石定當感發良心慎毋自
述致負矜恤三意